

Blitz unn Dunnerwedder!

Om voorsche Freidaach wollde merr grille unn hadde doodezu die gonze Freunde oigelade, awwer weils nass unn kalt war, hott die Fraa de Herd oogeschmisse unn hott die Brootwerrscht unn die Steeks in de Ponn gemacht.

Unn weil merr sich drauße nit uffhalle konnt, hawwe merr halt in de Wohnstubb gesotze, hawwe gesse unn gedrunke unn hawwe iwwers Wedder geschennt unn dass wens emol oon oonziche Daach e bisje schee iss, ess gleich om nächsde Daach widder e Gewidder gibt.

Doo hott de Schorsch gesacht: Von weesche Gewidder, doo muss ich eich emol e Sticksche verzähle: Die voorsch Woch warn merr middaachs erst in Hochem unn wollde dann von doo aus mettem Audo nooch Hadderschem fahrn. Awwer midde in Wicker hotts uff oomol geschitt, dass de Scheiwewischer de Reeche nimmi geschafft hott. Doo bin ich neewehie gefahrn unn wollt warte, bis dess Gewidder vorbei war. Doo reißt uff oomol enn Blitz vor uns de Himmel uff unn im sellwe Aacheblick hotts enn Schlaach gedue, unn gleich druff gabs nochemol direkt iwwer uns enn Blitz unn enn Schlaach, dess gonze Audo hott gewackelt.

Ess Kättche hott so e Ängst gehabt, unn wenn de Gurt beim Kättche nit so stromm sitze det, wär se e bisje on mich beigerickt: Josses naa, hottse gerufe, wenn jetz de Blitz ins Audo oischlaache dut dann sinn merr fort. Ruhich Kättche, habb ich gesacht, so e Audo iss wie enn Käfich, in den de Blitz nit enoischlaache kann; wanner werklich emol in de Näh erunnerkimmt, dann machder auße ums Audo erum unn kann uns inne drin nix oodue, dess hott so enn Wissenshaftler, Faraday hott der gehaaße, schunn vor mehr als hundertuffzich Jahr mett so em Experiment erauskrieht.

Ess Kättche hatt e gonz dinn Stimmche: Vor mehr als hundertuffzich Jahr? - mettem Audo?

Naa, sach ich, nit mettem Audo, doo hotts doch noch gar koo Audos gewwe. Naa, mett so em Käfich, doo hawwe Leit drin gesotze unn die Blitze sinn auße drumerum gemacht. Unn e Audo iss aach so enn Käfich.

Was du so schlaue bist, hotts Kättche geflistert unn hott om Gurt gezerrt.

Korz druff wars Gewidder vorbei unn ich bin los, Richtung Hadderschem, habb hinner Wicker e bisje Gas gewwe unn habb vor mich hie gepiffe, weils Kättche mich bewunnert hott. In Weilbach hatts Kättche ihr kräftich Stimm schunn widder: Hosdes geseh? Ewe hotts geblitzt, awwer ess hott nit gedunnert. Ich sach: Ich habs geseh. Awwer wens blitzt, musses aach dunnern, weil der Blitz dut die Luft spalte unn wenn die widder zesommekracht, dann duts die Schlääch. Nor – die Blitz iss sofort doo unn de Dunner brauch drei

Sekunde ferr oon Kilometer, also warte merr enn Aacheblick, dann werrder schunn kumme, de Dunner.

Dess Kättche druff: Was du so schlau bist. Awwer ich glaab nit, dass er noch kimmt.

Ich war dann e bisje laut: Ei warum dann nit? - wennis blitzt dann musses aach dunnern.

Sie awwer: Ess werdd nit dunnern.

Blitz unn Dunnerwedder! - warum bist grad du uff oomol so schlau?, habb ich geschennt.

Doo hotts Kättche sich uffgebloose unn debei widder de Gurt stromm gezooche: Wennis in Weilbach blitzt, dann dunnerts meisdens nit, dann bissde nor zu schnell gefahrn.

Eiern Honnes